


Maliguagaq Niruagakhanut Haamatkunnut Miiyamut unalu Katimayimut



ᓂᓂᓂᓂᓂ ᓂᓂᓂᓂᓂᓂᓂᓂᓂ
NUNAVUNMI NIGUAKNIK
ELECTIONS NUNAVUT
ÉLECTIONS NUNAVUT

Titiraqhimayaat Niruarniq Nunavunmi 2019

Ilitturutinik piomaguvit nallialiqaaq uqauhitgut
hivayarlugit Niruarniq Nunavunmi-kut.

 867.645.4610


 Akiqaimaittuq 1.800.267.4394

 867.645.4657

 Akiqaimaittuq 1.800.269.1125


 info@elections.nu.ca

 <http://www.elections.nu.ca>

 Titiqqauhivvik 39, Kangiqhiniq, NU X0C 0G0

 41 Sivulliq Ave. Kangiqhiniq

 Niruarniq Nunavunmi

 Niruarniq Nunavunmi

Hagyaighiniq

Maliguagaq naittuliaqhimayut ilainik Nunavunmi Niruarniq Maligaryauq-mit – maligait niruarluni Katimayinik Haamatkut Katimayinut. Talvaniiqatauyut Haamalauyumiit Miiya unalu Katimayit.

Maliguagaq ikpingnaqtuni ilitturutilik:

- ✓ Kinaliqqaaq niruagakhaulimaitpa.
- ✓ Qanuriliurialingit niruagakhait, qakugu unalu qanuq.

Nunavunmi Niruaqtuliyitkut ahiinik ilitturutitaqtut niruagakhanut ikayuqtukhait:

- ✓ Niruaqtimut ilitturutinut titigaq
- ✓ Maliguagaq *Nunavunmi Niruarniq Maligaryauq-mut* - Naittuq
- ✓ Haamalamut nunauyat
- ✓ *Nunavunmi Niruarniq Maligaryauq*

Hivayarlugit Nunavunmi Niruaqtuliyitkut adjikutaanik piumaguvit titigaknit, Nunavunmi atuqtauyukkut uqauhikkut www.elections.nu.ca.

Niruaqtittinirmut Ubluit

Niruaqtittinirmut ubluit pigiaqhut 35 ubluit hivuagut niruarnap ubluanit umiqluni Niruarnap Ubluanit. Kinguagut niruaqtittinirmut ubluit 60 ubluit kinguagut Niruarnap Ubluanit.

Niruaqtittinirmut Ublunut Tatqiqhiut

Ikpingnaqtut ubluit – Hulirittaqqat ublurnit

Ubluq 35

- Hivulliq ubluq inuk uqariiyauti niruagakhanngurumagami tunihittaqtut.
- Hivulliq ubluq inuk tukhiqturunngnaqtuq aallanut niruarutimik (titiqqiqivikkut).

Ubluq 31

- 2 pm umigvia (nunalingmit) tunihivvik uqariiyautimik niruagakhaugami.
- 5 pm umigvia (nunalingmit) amuhiluni uqariiyautimik.

Ubluq 28

- Atanguyaq Niruaqtuliyinut aullaiyuq niruarnirmut tuhaqtittidjutimi Utiqtittiyimut unalu niruagakhamut.

Ubluq 14

- Angiqtaugumi Atanguyarmut Niruaqtuliyiqinut, hivulliq ublurngmit niruaqtiit niruaqtaqtut utiqittiyip aafisianit – 12-mit ublummaat 7-mut unnukpat nunaliup ublurhiutaagut.

Ubluq 7

- Hangupkaqtitauyukkut niruarniq nunalingmit 9-mit 11:30-mut ublaamit nunaliup ublurhiutaagut. Vutiffaarniq 12-mit ublummaat 7-mut unnukpat.

Ubluq 4

- Kingulliqpaaq ubluq niruaqtiit niruaqtaqtut utiqittiyip aafisianit - 12-mit ublummaat 7-mut unnukpat nunalingmit.

Niruarnap Ublunga

- Aallanut niruarutiit 5 pm-mit piyauhimalutik kitittiffaqtaulimaittut kinguagut piyaugumik.

Kinguanit Niruaqtittinirmut Ublunut Tatqiqhiuti

Ikpingnaqtut ubluit - Hulirittaqqat ublurnit

Ubluq 10

- Kingulliq ubluq Niruagakhait piirlugit niruaqtaunahuarnirmut tuhaqtiddjutiingit. 60 ubluit kinguagut Niruarnaup Ublunganit Niruagakhauyut adjikutaanginnik niruaqtit atiinik ungavailugit pihimayainit uvvaluunniit Nunavunmi Niruaqtuliyiqinut utiqitillugit.

Niruagakhaq

Niruagakhaq inunguyuuq uqariiyautinga niruagakhaugami angiqtauhimagami malighugit maligait *Nunavunmi Niruarniq Maligaryuaq-mit*. Niruagakhauyuuq inuk Miiyanngurumagumi uvvaluunniit Haamatkunnut Katimayingurumagumi, kivgaqturlugit inuit nunalinganit.

Inuk niruagakhauttaqtuq Miiyamut uvvaluunniit Haamatkunnut Katimayi, tamainnut niruagakhaulimaittuq.

Kinaliqqaaq Niruagaqtauyumayuuq

Niruagakhauttaqtutit imaitkuvit:

- ✓ Niruarniq ajunnginnavut Niruarnap Ublunganit.
- ✓ Niruarnirmut ungavaqtauhimalaitkuvit.

Niruaqtaqtutit imaitkuvit:

- ✓ Kanatamiutaq.
- ✓ 18-nik ukiuqaruvit ungataaniluunnit Niruarnap Ublunganit.
- ✓ Nunavunmiutaq atauhirmik ukiungani Niruarvikhaq Ublungani.
- ✓ Nunalingmiutaq.

Nirualaitutit piguvit:

- ✓ Apiquhiquktukhauyutit titiraqhimagumilu kangiqhinngitatit qanurilinganigut —qanuq ihumaliurungnaiqtutit ilingnut. UVVALUUNIIT
- ✓ Hiqumitatit maligaunmi malikhugu hamna pilrayaqtunut maligautingit uvaniitkuvilluunniit inungnit ihumanut aanniarutiqarniqqat. UVVALUUNIIT
- ✓ Hiqumitkuvit niruaqtuliqinikkut maligaq humiliqaak Kanatami iluani tallimanik ukiungagut pilrayaqhimavlutitauq.

Niruagakhautitaulimaitkuvit unalu niruaqtaulutit, niruaqtittiniq atuqtaulimaittuq.

Niruagakhaq atiliulimaittuq imaittunik, niruaqtauguvit, aimalluni:

- Nutqaqtitaulutit Haamatkunnut katimayiuuvvingnit inup apirilunitit, uvvaluunniit
- Nutqautilugu Haamatkunnut katimayiuuvvigiyaat ubluliqhimalaitpat titiqqaq, uvvaluunniit
- Ihumaqhurniqalaittumik Haamatkunnut katimayiulutit.

Havaktittiyit, unaliqqaaq Nunavunmi Kavamatkut, maligaqaqtut uvvaluunniit atuagani qanurliqqaaq havaktingit ilaulutik niruaqtauhimayut havangninginnit unalu niruaqtaunahuarnirmut. Havayarlugit havaktiit hunaliqqaat maligangit uvvaluunniit atuagangit ilvit maliktakhangnit niruaqtaunahuarlutit.

Kinaliqqaaq Niruaqtaulimaitpa

Niruaqtailimaittutit imaitkuvit, ublurmit uqariiyautit niruagakhaugavit tunigangni imaingagavit:

- ✓ Havaktiugavit Nunavunmi Niruaqtuliyiyinut;
- ✓ Katimayiugavit Kanataup Maligaliurviani, Sanatunit, uvvaluunniit maligaliurvingmit ahiinik ukiuqtaqtumit uvvaluunniit Kanatap nunainnik;
- ✓ Apiqhuyi, ilaulimauttuq inungnut apirhuivvik;
- ✓ Malinnginnavut maniliqinirmut unipkaarlutit Maligaliutimut niruarnirmit ukiut 5 iluanit;
- ✓ Maliguarmut angiqatigiigummit malinnginnavut kingulliq niruarnamit (ilauyut Maligaliuqtinut niruaqtittiniit);
- ✓ Patqiyaugumik niruarnirmut pilrayaummot naniliqqaaq Kanatamit hivuanit ukiut tallimat;
- ✓ Akiliqhimalainmagit tamainnut haamatkunnit taaksiiyautit hivuagut Tisampa 31 ukiurmit akiligakhanngurami;
- ✓ Ingmik akiligakhaqarumi haamatkunnut \$500-nik amihuuniqhailluunniit 90 ubluit amihuuniqhanut, uvvaluunniit aulapkainiqarumi kampanimik akiligakhaqhuntik haamatkunnut \$500-nik amihuuniqhailluunniit 90 ubluit amihuuniqhanut;
- ✓ Niruagakhaulimaittuq ihumangagut ihuinniq pidjutigiblug;
- ✓ Itiqtauhimagami itiqtauhimavvingmut;
- ✓ Maninginnik haamatkut kitittiyugami naunaqhiyluunniit havaktimut haamatkunnut.

Naniliqqaaq niruagakhauttaqqa

Niruagakhauttaqtutit kihimi nunalingmit nunaqaqhutit.

Niruaqtauyuuq ahiinik niruagakhaqalaitkami

Niruaqtauyuuq ahiinik niruagakhaqalaitkami tukiqaqtuuq ungvatquutiyunik 8-nik niruagakhaqtaqalainnami.

Niruagakhap ihumani ahianguqqag

Niruagakhaq imaittaqtuuq ahiangurlugu ihumani unalu niruagakahuyumalimaitkuni. Ahivarlugu atinga niruarutimit, titirvigilugu utiqtittiy, atiliurlugu, unalu tunilugu 5-mit kinguaguunngittuuq nunalip tatqiqhiutaanit, 31 ubluit niruarnap ublua hivuagut. Malruungnik nunalingmit niruaqtinik ilummuuqtuqarluni atiliuqtukhauyut titigamit.

Niruagakhaq amuhigumi umigvianit unalu 8-nik amigqtunigluunniit niruagakhaqarluni, niruagakhait niruaqtauyut ahiinik niruagakhaqalaitkamik, ahiillu niruagakhait niruaqtaublutik ahiinik niruagakhaqalaitkami, niruaqtittiniq qanurinnngittuuq. Kihimi, niruarutinit ilaulimaittut atinga niruagakhaq amuhiyuuq.

Niruagakhaq amuhigumi kingaugut umigviup, atinga niruarutimiittaqtuq – aullaigumigluunniit utiqittiyumut atiliuqhimayuq titigamik.

Niruagakhaq tuqugumi

Niruagakhaq tuqugumi kingaugut umigviup uqariiyautinut niruagakhaugami hivuagullu niruarviit umigviata Niruarnap Ublungamit:

- Nunalingmit niruaqtittiniq nutqaqtitauyuq, unalu
- Nutaamik niruaqtittiniq pigiaqhuni nunalingmut.

Nunavunmi Niruaqtuliyitkut ungavaqtait tamaita niruarutiit nutaaq niruaqtittiniq uqauhiukpat.

Uqariiyauti Niruagakhaugami

Hivuanit niruaqtittinirnit, inuit titiriaqalauqtut tikkuaqhijutinik niruagakhanngurniarumik. Maligait ahidjiqtut unalu inuit titiriaqaliqhutik uqariiyauti niruagakhaugamik.

Uqariiyauti niruagakhaugamik titirvikhaq uqaqhutit niruagakhauyumagavit.

Titirniarlugu uqariiyauti niruagakhaugami, ilittirutinik piyakhat:

- Niruagakhap tamaita atinga, titiqqarvikkut turaarutaa unalu aimavviata turaaruta, talafuunga, qaritauyakkut titiqqat, ahiillu havayagviugumi ilitturutiit.

Nunavunumi Niruaqtuliyitkut angirumiut uqariiyauti niruagakhaugami, niruagakhannguqtutit. Nunavunumi Niruaqtuliyitkut anginngikkumiut uqariiyauti niruagakhaugami, Niruagakhaulimaittitit.

Uqariiyauti Niruagakhaugami tunilugu

Nunavunmi Niruarniq Maligaryuaq- tukiliuqhimattiaqtuq tunihiluni uqariiyauti niruagakhaugami.

- Titirlugu unalu nalaaguuqtut ilitturutiit: Titirlugit ilait titirviup. Utiqtittiyip anghimalaitanga tamaita titirvigilimaitkuviuk.
- Hivuagut umigviup tunilugu nutaanik ilittirutinik titiriaqaruvit.
- Ilummuurutiit unalu atiliurutiit: Niruagakhap atiliuqtakhariya uqariiyauti unalu ilummuurluni.
- Niruagakhap atinga:
 - Titirlugu atitit uqariiyaut niruagakhaugami aturlugu ilvit pitquyait niruarutimit.
 - Nunavunmi Niruaqtuliyitkut ikayuttiaqhutik atuquyai unalu mianiriyauluni Inuktitut. Ilanga atauhiq atirnit Inuktitut uqauhitkuurlugu nunalingnit atuqtauyuq: Inuktitut titiqhimalugit tamaita nunalingnit ilaulimailluni Kugluktuk unalu Iqaluktuuttiaq (Ilanga.1(2) *Inuit Uqauhinganik Mianiqhinirmut*

Maligaryuaq). Niruaqtittinirmut havaktiit ikayuruaqtaqtut titirlugu atiit nalliagluunniit uqauhiriyauyukkut.

Uukturlugu: titirungni atiit Inuktitut hivulliulugu unalu Qablunaatitut tugliulugu, uvvaluunniit Qablunaatitut hivulliulugu unalu Inuktitut tugliulugu, niruarutimit takukhauluni titiqhimayait.

Qakugu Tunilugu

Tunilugu akunniani 35 ubluit hivuagut Niruarnaup Ubluanit – unalu 2-mit nunalip ubluqhiutaanit, 31 ubluit hivuanit Niruarnap Ubluanit. UTATQINNGILLUTIT umigvianut!

Uqariiyauti titiqhimalugu unalu ilitturutingit nalauttilutik ublurmit unalu ubluqhiutaa. Inuk tuhihigumi uqariiyautimik, kinaliqqaaq takuttaqtaa unalu ilitturutinik pittaqtuq.

Kinamulliqqaaq Tunilugu

Tunilugu Utiqtittiyimut uvvaluunniit tikkuqaqhimayainut nunalingnut.

Utiqtittiyi ahingaluunniit titkuaqtauhimayuq tuniyauttaqtut uqariiyauti niruagakhaugami unalu qimilruniaqtanga. Pingahunik qanurilingattaqtut:

- Utiqtittiyip angirutigiyanga Uqariiyauti
- Utiqtittiyip angirutiginngitanga Uqariiyauti.
- Utiqtittiyip angiqtaqtaq Uqariiyauti unalu naunaiqhiyuq ihumagiyaugami niruagakhaq niruagakhaulimainmat, kihimi Atanguyaq Niruatuliqiyinit ihumaliurluni.

Utiqtittiyip angirumiut uqariiyauti niruagakhaugami

Utiqtittiyip angiqtaqtaqtaqtaq uqariiyauti niruagakhaugami imaitkumi:

- Naunanngimmat niruagakhauni ajunngiinavit.
- Titiqhimattiarangni uqariiyauti niruagakhaugami uvvaluunniit hivuagut umigviup piviqaravit nutaangurlugu.
- Tunigangni hivuagut umigviup.

Utiqtittiyip angirumiut uqariiyauti niruagakhaugami, tuniyauluni niruagakhaq naunaipkutimik uqaqhimayuq niruaghauyungnaravit.

Niruagakhaulutit, tuniyauniaqtutit katihimayunik Nunavunmi Niruaqtuliqiyinit.

Niruagakhamut katihimayunit ilauyut:

- Maliguagaq Niruagakhanut, ilauyut adjikutaangit ikpingnaqtut titiruagait.
- Maliguagaq *Nunavunmi Niruarniq Maligaryuaq*-mut—naittumik.
- Atuqtauyut Niruaqtiit Atinginnut titirvik.
- Angiruti titirviit unalu qanuriliurialit niruagakhap kivgangit niruarvingmit.

- Atiliurvik qauyipkaiyuq katihimayut pigangi.
- Hivayaqtaumaguvit illitturutiit Nunavunmi Niruaqtuliyiyinut ikayuqtut apiqquitiqaruvit.

Utiqtittiyip angirugilimaitpagu uqariiyauti niruagakhaugami

Utiqtittiyip angirutigilimaitanga uqariiyauti nirugakhaugami aimaitpat:

- uqariiyauti nirugakhaugami titianiqhimainmat uvvaluunniit tuniyaugami umiktilugu,
- Inuk ingmik niruagakhaulirami avaluqtuutiyut nunalingnut, uvvaluunniit
- Inuk niruagakhaulimainmat.

Utiqtittiyip angirutilimaitpagu uqariiyauti nirugakhaugami tamaita titiqhimalainmat, niruagakhaq nutaanguqtaqta, titirlugu uvvaluunniit ahianik uqariyaunmik pilui hivuagut umigivat niruagakhanngurniarluni.

Utiqtittiyip angiqtaga uqariiyauti, unalu aullaiyuq naunaiqhiyumik

Utiqtittiyi ihumagumi inuk niruagakhailimaimmat ahiit pidjutinut, kihimi Atanguyaq Niruaqtuliyiyinut ihumaliuqtakhanga. Pinaqtuq Utiqtittiyip angiramiut uqariiyauti unalu aullaiyuq naunaiqhidjutimik uqaqhuni ihimagigamiut niruagakhaulimainmat. Naunaiqhidjuti tuyuqtuangmiyuq Atanguyaq Niruaqtuliyiyinut, qimilruniaqtanga illitturutingit ihumaliurlunilu.

Ihumaguvit niruaghayungnaravit, qilamik uqautilugu Atanguyaq Niruaqtuliyiyinut humik pidjutimik— titigakkut—unalu tunilugu naunaiqhidjutinik ikayuqtumik. Atanguyaq Niruaqtuliyiyinut ihumaliurluni malruuk ublut iluanit umingmat niruagakhanngurumaniq unalul aullailugu naunaiqhidjuti pidjutilik ihumalianganik.

Uuktuiniq

Angiqhimalaitkuvit Atanguyaq Niruaqtuliyiyinut ihumalianganit, tukiqtuqtaqtutit apirhuivvingmut 7 ublut iluanit qimilrulugu ihumaliaq. Apirhuiyip tuhaaluniut unalu ihumaliurluni qilamik.

Niruaqtittiniqarluni ilvit niruagakhaublutit ilaulimaillutit, kihiani apirhuivvik ihumaliuruni niruagakhauyungnaravit unlau nutaamik niruaqtittiniqaquyiluni.

Angiagiayuyut unalu Mianiqhiniq

Qauyimayugut tatiqarniit qauyimagavillu uvagut angiyumik aturaptigut qanurliqqaaq kamagapta ilingnut ilitturutinik. Tamainnut inungnut timiuyut unaliqqaaq Nunavunmi Niruaqtuliyitkut pitquyittaqtut inuit tunihilutik ingmingmut ilitturutiinik, uvagullu maligatigut unalu pittauyukkut piyakhagaqhuta piyakhautiqarnikkut aulapkailuta ilitturutinik.

Piyakhariyavut ihuaqtukkut agiarilugit ingmik ilitturutiit ukpiriyaudjutigiyavut.

Ilitturutiit piungnaqtatit Nunavunmi Niruaqtuliyitkut angiagiayuyut ataugainut, hivayarlugu Atanguyaq Angiagiayuyuliyi hamani privacy@elections.nu.ca uvvaluunniit Nunavunmi Niruaqtuliyitkut takugiarvingannuarlutit elections.nu.ca/privacy.

Niruagakhap aturniaqtait Niruaqtit Atinginnut Ataugaq: Niruagakhaq atiliuqtaqtut piniarniuyuuq ikpigilugit niruaqtit atingit, unalu aturlugu niruaqtittinirmut kihimi. Niruagakhaq kinaliqqaa havaktiuyuuq niruagakhauninganut ikpigusugialik atuagarmit. Niruagakhaq piniarniraqtuuq utiqtinniarimagit ahivarlugilluunniit tamaita niruaqtit atingit umikpat niruaqtittinirmut ubluit.

Tamainnut Inungnut Titigak

Tamaita uqariiyaut inungnut turaaqutut titigak.

Hapkua inungnut turaaqutut titigait unalu qimilruyauttaqtut Aafisinganit Atanguyaq Niruaqtuliyinut kinaliqqaaq tukiqtumut havangnautillugu:

- tamaita unipkaat uvvaluunniit uqaqhimayait pidjutgiblugit niruaqtittiniq, ahiillu titigait havaktinik niruaqtuliriyinik;
- tamaita qanuriuquyait Atanguyaq Niruaqtuliyinut maliguaqhugit *Nunavunmi Niruarniq Maligaryuaq*;
- tamaita ihumaliurutait uvvaluunniit maliktauquyait Atanguyaq Niruaqtuliyinut pidjutiliit maliguaqhugit *Nunavunmi Niruarniq Maligaryuaq*, unalu
- tamaita titigait havaktinik niruaqtuliriyinik uvvaluunniit ahiinit pidjutlik nallialiqqaaq niruaqtittinirmit.

Tukhiqturniq piimaluni titiganik

Kinaliqqaaq inuk tukhiqtuqtaqtuuq Atanguyarmit Niruaqtuliyinut piimaluni nalliak titiganik pihimiyait Atanguyaq Niruaqtuliyinut malighugit *Nunavunmi Niruarniq Maligaryuaq* tamainnut inungnut turaangittut titiganik.

Niruarnap Ublunga

Niruarnap ublungamit, niruarviit ukkuinganyut 9 am-mit 7 pm-mut nunaliup tatqiqhiutaagut.

Kihimi niruaqtittinirumut havaktiit atuqtitauttaqtut talafuunik, piksaliurutimik, uqaluutialaanik, uvvaluunniit ahiinit qaritaayanut atuqtauttaqtunik niruarvingnit. Kiniliqqaaq atulimaittuq niruaqtauyumaluni hatqiyaaqtunik niruarvingmit.

Niruagakhap Kivganga niruarvingmit

Tamaita niruagakhait atauhirmut ingmut kivgaqaqtaqtut atauhirmut niruarvingmit, niruagakhaq kihiani niruarvingmiippat. Nalliagluunniit niruagakhaq kivgangaluunniit niruarvingmiittaqtut, kihiani tamainnit pititaulimaittut.

Angirami titirvik

Tamaita niruagakhait kivganga atiliuqhimaujukhauyut angirami titirvingmit. Niruagakhait kivganga niruarvingmuaqpat tunilugu titirvik utiqittiyip tungilianut unalu ilummuurluni.

Maligait niruaqtillugit

Niruagakhaq kivgangaluunniit tautuktaqtut qanuriliurmangaata niruaqtillugit. Imailutiglu:

- Ikpiguhugvigiinnarlugit ihuihaangillugillu niruaqtiit unalu niruaqtuliqinirmut havaktiit.
- Ilitturutinik pittaqtut niruaqtut mighaanut titigaqmit niruaqtillugit unalu tunidjutigilua.
- AniyaRIAQAQTUT niruarvingmit talafuuqtuqaqpat uvvaluunniit talafuurlutik uvvaluunniit titirlutik kinamulliqaaq tunilugit ilitturutinik.
- 15 minit hivuagut niruarviit matuirninganit niruarvingmut ajunngittut, qunngiarlugit niruaqtittinirumut havaktiit kitittillugit atiliuruhiqturlugillu niruarutiit, qimilrulgillu niruarutiit ahiillu titigait atuqtauyut.
- Apiridjutigilugu niruaqtip kinauninga, niruaqtip atinga niruaqtiit atiniikkaluaqpat.

Kititauningit Niruarutiit

Niruagakhaq kivgangaluunniit tautuktaqtut Utqitittiyip Tungilinganik kitittillugu niruarutinik. Hapkua maligait maliktakhariyangit:

- Kihimi tautugluni unalu kitittiluni - Utqitittiyip Tungilinga kihimi kamattaqtuq niruarutinik.
- Umigvianut tikilluni niruarvingmiilluni. TalafuuqTAILIGit uvvaluunniit talafuuqtaulutit uvvaluunniit titirviulutit kihiani Utqitittiyip Tungilinga aullaihimiliruni qanurinnuyut Nunavunmi Niruaqtuliqiyinut.

- Anginggikkuvit Utqitittiyip Tungilinga angirutiqaqtillugu uvvaluunniit kitittiqataungippat niruarutimik, uqautilugit anginginnavit. Utqitittiyip Tungilingata titigarluniut anginginnavit niruaqtit ilitturutiniut titigagvingmut unalu ihumaliurluni angirniarumiuk kitittiqataungiluguluunniit niruaruti. Angiruaqaqtait ihumalinga kingulliqaakuungmat.
- Pilutit Utqitittiyip Tungilinganit adjikutaanganik Titigaq Qanurinniit Niruarvingmit, kitittiffaaqhimaliqqata niruarutininik. Titigakmit kaffiit niruarutauyunut tamaita niruagakhanut titqhimayut unalu kaffiit kititaunngittut niruarutiit niruarvingmut.

Kinaliqqaaq niruaqtauva niruarnamit

Utiqtittiyi piumiuk Titigak Qanurinniit Niruarvingmit Utqitittiyip Tungilinginnit unalu Nunavunmi Niruaqtuliyiyit Aafisianit (titiqqiqivvikkut aullaiyayut kititauqattaqtut). Utiqtittiyi kititirlugit niruarutauyut tamaita niruarvingnit nunalingmit unalu niruarnirumut unipkaaliurluni naunairlugit kaffiit niruarutauyut tamaita niruagakhanut. Utiqtittiyi aullailuni niruagakhamut adjikutaanganit niruarnirumut unipkaamit.

Adjigiinik Niruaqtauuyut: Niruagakhait adjigiinik niruaqtauqpata

Malruuk niruagakhat adjigiinik kaffinik niruaqtauungnaqtut, uvvaluunniit qanigiinik kaffiuningit. Adjigiinginningit 2%-ngukpat tungaanilluunniit kitillugit tamaita niruarutiit, Utiqtittiyi kitittiffaarniaqtuq.

Kitittiffaarniq

Kitittiffaarnirumutqanurinniit atauhiq niruagakhamut qaffiuningit anginiqhaublutik niruarutauyut, niruagakhaq niruaqtauuyuq. Kitittiffaarnirumut qanurinniit adjigiikpata, malruuk atuqtaqtangit Utiqtittiyip:

1. Angiqtauhimaluni niruagakhanut adjigiinik niruaqtauuyunut, Utqitittiyi niruarluni niruaqtauniaqtumit amuhinikkut atinganik. Niruagakhait amuyakhayut atiliurlutik naunaiqhilutik angiqhimagamik.
2. Malruuk niruagakhait angiqhimalaitkumik niruaqtauluni amuhinikkut, Utiqtittiyi tukhiqturniaqtuq Apirhuiyiralaamut kitittiffaaqulugu.

Apirhuiyiralaq Kitittiffaaqtuq

Niruagakhait angingikkumik niruaqtauuyuq amuyaluni, Apirhuiyiralaq kitittiffaarniaqtuq. Apirhuiyiralaq kitittiffaaqtanganut qanurinnuyut niruagakhaq qaffinut anginiqhamik niruaqtaungmat, niruagakhaq niruaqtauluni. Apirhuiyiralaq kitittiffaaqtangit adjigiikpata, Apirhuiyiralaq niruarluni amuhinikkut.

Maligarmik Hiqumittiniq

Nunavunmi Niruarniq Maligaryuaq- maligaitigut adjikutaa. Kinaliqaak hiqumitkumiuk maligainik paqiyaulaaqtut paqiyaqarniqqat paqiyaulaaqtuq.

Amihuuyut qanuq hiqumilaaqtut maligaunmut. Takulugit hafuminngatut tukiliutaagut ataaniitut. Taiguarlugulu Nunavut Niruaqtitinikkut Maligaq maligautainillu malitiaqhimalugit.

Uktuuti Hiqumittinirmut	Haaffuminngatut 1	Haaffuminngatut 2
Niruaqtut ihuitumik	Niruaruvit qinngiyauguvit niruariami.	Hulinniruvit piyukhaunngitutt niruarutnit.
Uqamillinahuarlugit niruaqtut ihuitumik	Tuniqainahuaruvit maningni, imirnit, havaanut, niqinut, aahiilluuniit.	Niruarvikhaq niruarvingmi.
Ilituqhainingit ihuitumik atuqhimagumik	Ilvit atuqhimayatt niruaqtut ttqqangit ahinit niruarviunngitumi.	Ihuinnaaqhimagungni Niruaqtnikkut Nunavunmi naunaitkutt.
Illumuqutumik uqanngitkumi iqungaliinnaqhutik	Niruaqtauyumaguvit pilaittuublutit.	Niruaqtauyumaguvit amihunit atauhiunngitunik nunalingnit.

Akiliqtuijuttit

Hiqumittiguvit maligarmik unalu akiliititaublutit, imailutit:

- Akiliilutit ungvatquutihimalaittumik \$5000-nik. UVVALUUNNIIT
- Itiqtaulutit ungvatquutihimalaittumik atauhiq ukiurmit. UVVALUUNNIIT
- Akiliilutit unalu itiqtaulutit.

Unalu, ukiut tallimanut imailuqTAILILUTIT:

- Niruaqtaulutit Haamatkut Katimayiinut.
- Niruaqtaulutit Iliharviit Katimayiinut uvvaluunniit Maligaliuqtimut.
- Havarmut tikkuaqtaulutit kamisinamut, Ministamut uvvaluunniit Nunavunmi Kamatkunnut, uvvaluunniit Haamatkunnut.

Apirhuiyimit qanuriliuquyauttarmiyutit hapkunngat:

- Pidjutiit hiqumitangnut titigarlugit.
- Akiliilutit inuit aanniqtatit higumittinirnut.
- Nunalingmit piyittirautinik havaglutit.

Kinaliqqaaq Unnirluktaqqa

Kinaliqqaaq unnirlugungnaqtuq, qauyimagumi inungmik hiqumittiyumi maligarmit *Nunavunmi Niruarniq Maligaryuaq*-mit. Unnirluutingit titiqhimalugit unalu paliisinuarlugu 90 ubluit iluanit hiqumittiyuqarngmat. Nunavunmi Niruaqtuliqinuunngittuq uvvaluunniit Atanguyaq Niruaqtuliqinut.

Inungnit unnirluutimut titirvik Nunavunmi Niruaqtuliqiyikkut qaritauyakkut takuyauvvianit hamani elections.nu.ca/citizen_complaint

Kinaliqqaaq Ihivruiniaqqa

Paliisiit ihivruittaqtut. Naunairviginiaqtaatit ihivruiyaugufit, kihiani ihumagutik ihuinaarutauniarmat ihivruiningannut. Paliisiit adjinganik hannginiqaqtut unalu piyakhautiqaqhutik atuqtautillugu *Nunavunmi Niruarniq Maligaryuaq*- ahiititut Nunavunmi unalu Kanatamit maliganut.

Paliisiit havaqatiqarniaqtut Atanguyaq Niruaqtuliqiyinut unalu Iluittuungayuq Kamisinamit ihuaqhitinniarlugu ihuittuq.

Maliktauyukhamut angiqatigiiguti

Maliktauyukhamut angiqatigiiguti kaantraaknguyuuq Iluittuungayuq Kamisinamut unalu inungmut hiqumittihimayukhauyuq maligarmit. Atuqtauqattaqtuq inuk hiqumittinirmut akiliititauningat hivuagut.

Iluittuungayuq Kamisina ihumaliurniaqtuq aayiiqatigilutik maliktauyukhamut angiqatigiigutimik. Ihumakhaqhiuqtaqhutik aayiiqatigiimut ihumaliuriniup:

- Qanurittuuva hiqumittiniq anginingalu.
- Akiliititauniq hiqumittinirmut.
- Tamaita inuit piumayangit.
- Piumayai ihuaqhinirmut.
- Ahiillu pidjutauyut aturumigiyangit.

Aayiiqatigiikpata malitauyukhamut angiqatigiigutimut, Iluittuungayuq Kamisina naittumik atiliuqtauhimayumik titigainiaqtuq. Tamainut inungnut titigak turaangayuq.

Inuk atiliurumi malitauyukhamut angiqatigiigutimit, piyakhagaqtut hiqumittinirmut. Angirutiqaaqtut hapkununga:

- Maninik akiliiluni atauhirmut ungavatqaumayunulluunniit inungnut.
- Mamiilluni tamainnut inungnut unalu inungnut aktuqtauhimayunut.
- Inuit Qaujimajatuqangit / IQ aturlugit (pitquhitkut Inuit qauyimaningit) hiqumittiniq ihuaqhiniarlugu.
- Nunalingmit piyittirautinik havayaqarluni.

- Angiqhimaluni qanuriliurniarlu uvvaluunniit qanuriliurniangilluni ilainit qanuriliurnirnit.

Angiqatigiiguti malinngikkungni:

- Akiliititauyukhauyututit unalu apirhuivingmuaqtaulutit.
- NiruagakxauLIMAITTUTIT tallimat (5) ukiunut.
- Apirhuivvikut akiliititaulutit unalu akiliititaulutit.

Maliguaruning angiqatigiiguti, akiligakhaqtaaqtitaulimaittutit, unalu titigakhimalaittut ilvit piyatit.

Kamisina tamainnut inungnut unipkaliurniaqtuq inuk maliguaqhimangmangaat angiqatigiigutimit unaluunniit malikhimaimmangaat.

Niruagakxap Naunaiyautingit

Hivuagut niruaqtittinirmut ubluit

- ✓ Hivayarlugu havagvigiyait qauyiniarlutit maliganginnit uvvaluunniit atuaganginnik maliguaqtakhangnit niruagakxauiniarlutit – havagvingmit nutqaumaniarlutit niruatittinirmut ublunginnit.
- ✓ Adjikotaanginnik pilutit *Nunavunmi Niruarniq Maligaryuaq*- unalu uqalimaarlugit tukihilugillu. Qauyimalugit qanuriliuriaqatitit maliguarlugit maligait.
- ✓ Utiqtittiyimit piimalutit uqariiyauti niruagakxanngkurmagavit, uvvaluunniit pilugu Nunavunmi Niruaqtuliyikkut qaritaujakkut takuyaugiaviani: www.elections.nu.ca

Niruaqtittinirmut Ubluit – Niruarnap Ubluanut

- ✓ Titirlugu tamaita uqariiyauti niruagakxauinaravit. Titirvigittiarlugu unalu ilaulugit tamaita ilitturutiit iluanit titirviup.
- ✓ Tunilugu uqariiyauti niruagakxaugavit hivuanit umigviup.
- ✓ Ilaulut Nunavunmi Niruaqtuliyitkut talafuukut katimaninginnit, ilitturutiit niruagakxanut.
- ✓ Havayarlugit nunalingmit kavamakut ahiillu nunalingmit aulapkaiyit qauyiniarlutik niruagakxait mighaanut naunaipkutanik ilihiniarluni.
- ✓ Titirlutit Atanguyaq Niruaqtuliyiqinut niruaqtit atinik ahidjiyumaguvit. Qauyitillugu ilivit mighaanut, naunairlutit hunanik ahidjiquyangnit, naunaiqidjutiniglu tunilugu.
- ✓ Naunairlugu qangakut hangupqaqtukut niruarniq, pigungni Utiqtittiyimit.
- ✓ Naunairlugit niruaruaqturviit nunalingnit, Utiqtittiyip uqautikpaatit.
- ✓ Naunairlugu nunalingmit niruarniaqtut Niruarnap Ublunganit.
- ✓ Niruagakxaugavit kivgaqtuqtimit pilutit niruarvingmiinniaqtumit Niruarnap Ublunganit.
- ✓ Titirlugit atiliurlugillu angiqhimanirmut titirviit kivgait niruarvingmuarniarluni Niruarnap Ublunganit. Kivgait piqariaqaqtut ingmik angiramik titirvingmit.
- ✓ Kivgaqtuqtigiyait apirilugu niruarvingmiiqulugit Utiqtittiyip Tungilinga kitittillugu niruarutinik Niruarnap Ublunganit.

Niruanap Ublunga

- ✓ Niruarlutit—niruaqhimanngikkuvit.
- ✓ Niruagakhaunirnut atuqtauyunik niruarvingmit pitaqalaittut qauyimalutit – nunamit, igluryuarmit, uvvaluunniit inuit atuqtanginnit.
- ✓ Kivgatuqti apirilugu adjikutaangani piluni Titigak Qanurinniit Niruarvingmit Utiqtittiyip Tungilinganit.

Kinguagut Niruanap Ublunganit

- ✓ Tamaita niruagakhaunirmut atuqtut piirlugit 10 ubluit iluanit kinguagut Niruarnap Ubluanit.
- ✓ Niruagakhaunirnut havaktiit ahiruitillugit uvvaluunniit utiqtilugit tamaita niruaqtiit atingit – titiqhimayut unalu qaritauyakkut pihimayut.